



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
Komisija za vanjsku trgovinu i carine  
Broj : 01 /3-011-552/01  
Sarajevo, 02.10.2001.

ZAPISNIK  
sa 7. sjednice Komisija za vanjsku trgovinu i carine  
Predstavničkog doma Parlamentarne skupštine BiH,  
održane 2.oktobra 2001.godine

Sjednica je počela u 9.00 sati.

Sjednicom je predsjedavao Tihomir Gligorić, predsjedavajući Komisije.

Sjednici su prisustvovali: Ramiz Vilić, Ljubomir Kovačević, Ibrahim Dedović, Emina Začiragić, Zoran Spasojević i Omer Filipović.

Sjednici nisu prisustvovali Mirko Baković i Senad Šarganović.

Ispred Vijeća ministara BiH - predlagača Zakona sjednici su prisustvovali: Nikola Kragulj, zamjenik ministra spoljne trgovine i ekonomskih odnosa, Milenko Tošić, pomoćnik ministra spoljne trgovine i ekonomskih odnosa i Ljubomir Čedomir, rukovodilac Odjeljenja za carinsku tarifu.

Za sjednicu Komisije je predložen i usvojen sljedeć

DNEVNI RED

1. Usvajanje Zapisnika sa 6. sjednice Komisije
2. Razmatranje Amandmana Kluba PDP, SNSD, DSP, SPRS, SNS predloženih na Prijedloga zakona o izmjenama i dopunama Zakona o carinskoj tarifi Bosne i Hercegovine

3. Izbor drugog zamjenika predsjedavajućeg Komisije
4. Tekuća pitanja.

Ad-1

Zapisnik sa 6. sjednice Komisije za vanjsku trgovinu i carine usvojen je uz određene korekcije za poboljšanje teksta na 4. i 5. strani Amandmana II, IV i V Senada Šarganovića.

Ad-2

**Razmatranje Amandmana Kluba PDP, SNSD, DSP, SPRS, SNS predloženih na Prijedloga zakona o izmjenama i dopunama Zakona o carinskoj tarifi Bosne i Hercegovine**

**Amandman I**

U članu 5a. stav 1. ispred riječi "mijenjati" treba da stoji riječ "privremeno"

Amandman nije usvojen (sa 7 glasova) iz razloga što u Carinskoj tarifi ne smije biti privremenih rješenja, već ista moraju biti trajna, na zakonu zasnovana i sa mogućnošću izmjena i dopuna. Privremena rješenja ne prihvata NJTO niti Evropska unija.

**Amandman II**

U stavu 2. istog člana riječi "preuzete obaveze" treba pojasniti ko je i kada preuzeo obaveze.

Amandman nije usvojen (sa 7 glasova) .

Kada se u Zakonu o carinskoj tarifi govori o preuzetim obavezama onda se misli na preuzete međunarodne konvencije koje je BiH prihvatila i potpisala, te na međunarodne ugovore. Pojedinačno navođenje preuzetih obaveza u Zakonu nije upočasno, niti je to moguće.

**Amandman III**

U članu 5b. i članu 5c. riječ "mišljenje" treba zamijeniti rječju "saglasnost"

U diskusiji učestvovali su: Zoran Spasojević, Emina Začiragić i Milenko Tošić.

Amandman nije usvojen ( sa 6 glasova za i 1 glasom protiv) iz razloga što je Zakonom o vanjskotrgovinskoj politici BiH u članu 31. stav 2. navedeno " Prijedlog zaštitnih mjera sačinjava Ministarstvo vanjske

trgovine i ekonomskih odnosa BiH uz pribavljeno mišljenje entiteta. Ukoliko bi se mijenjale odredbe u Zakonu o carinskoj tarifi, bilo bi, prije toga, potrebno izvršiti izmjene Zakona o vanjskotrgovinskoj politici BiH.

**Amandman IV**  
**(Odnosi se na Zakon o carinskoj tarifi Dio 2 –Popis carinskih dažbina)**

Tarifni broj: 01.02 i 01.03. iznos 0,50 KM/ kg treba da stoji 0,40 KM/ kg; 01.05 iznos 0,80 KM/kg na 0,70 KM/kg.

U tarifnim brojevima 02.01 do 02.10 iznose od 2,50 i 2,40 zamijeniti sa 2,00 KM/kg; 2,00 KM/kg sa 1,70 KM/kg; 1,80 KM/kg sa 1,50 KM/kg; 1,50 KM/kg sa 1,20 KM/kg.

Tarifni broj 12.11 iznos od 6,00 KM/kg na 4,00 KM/kg.

U tarifnim stavovima: 21.02. 103100 i 21.02. 103900 iznos 1,50 KM/kg i 0,60 KM/kg treba brisati.

U tarifnom broju: 22.08 taksom od 2,00 KM/kg treba obuhvatiti i ostale robe iz istog tarifnog broja.

U tarifnom stavu 25.01.009100 posebnu taksu od 0,15 KM/kg treba brisati.

U diskusiji učestvovali su: Zoran Spasojević, Tihomir Gligorić, Emina Začiragić, Omer Filipović .

Ispred predlagača Zakona obrazloženja za predloženi Amandman dali su Nikola Kragulj i Milenko Tošić.

U svim navedeni tarifnim brojevima ovog amandmana predlaže se izmjena carinskog opterećenja po jedinici proizvoda /posebna taksa po jedinici proizvoda – prelevman)

Amandman nije usvojen (sa 6 glasova za i 1 glasom protiv) iz razloga što bi se njegovim usvajanjem poremetio zauzeti i dogovoreni stav u pogledu ukupnog carinskog opterećenja kroz carinsku tarifu u cjelini, kao i odnos opterećenja po glavi carinske tarife. Treba napomenuti da je kod usvajanja prethodnog carinskog zakona, te "Odluke o izmjenama i dopunama Odluke o određivanju proizvoda za koje se pri njihovom uvozu u 1999. godini plaća posebna taksa i o visini te takse" – koja je bila uslov za kasnija produženja, kao i osnov za unošenje u Carinsku tarifu kao sastavni dio carinske stope, postignuta saglasnost na nivou entiteta, resornih ministarstava i komisija o visini te takse. Svako povećanje ili sniženje te takse moralo bi proći prethodnu proceduru usaglašavanja, te proceduru usvajanja u Savjetu ministara odnosno Parlamentarnoj skupštini BiH.

Potrebno je napomenuti da je u kasnijoj proceduri, po postizanju sporazuma sa NJTO, moguće izvršiti izmjene i dopune Zakona i tarife.

**Ad-3 Izbor drugog zamjenika predsjedavajućeg Komisije**

Na osnovu člana 27.2. Poslovnika Predstavničkog doma ponovo se nije razmatrala ova tačka dnevnog reda obzirom da sjednici nije prisustvovao Mirko Baković, član Komisije koji bi se birao za drugog zamjenika predsjedavajućeg Komisije iz reda hrvatskog naroda.

**Ad- 4 Tekuća pitanja**

Komisija Predstavničkog doma za vanjsku trgovinu i carine razmotrila je dopis broj 01-570-4/01 od 01.09. 2001. godine Privredne komore Republike Srpske koja sa Vladom Republike Srpske organizuje službenu posjetu Narodnoj Republici Kini u periodu od 14 - 22. oktobra 2001. godine.


U sastavu delegacije nalaze se predsjednik Privredne komore Republike Srpske, premijer Republike Srpske, resorni ministri, poslanici i privrednici Republike Srpske. U sastav navedene delegacije uvršten je i dr Ljubomir Kovačević, poslanik i član Komisije Predstavničkog doma Parlamentarne skupštine za vanjsku trgovinu i carine.

Komisija je zaključila da predloži Kolegiju Predstavničkog doma da se dr Ljubomiru Kovačeviću odobri službeno putovanje kao članu navedena delegacije.

Sjednica je završena u 10.00 sati.

Sekretar Komisije

Emila Češljarić



Predsjedavajući Komisije

dr. Tihomir Gligorić

